

IV. OPOSICIÓN E CONCURSOS**UNIVERSIDADE DE SANTIAGO DE COMPOSTELA**

RESOLUCIÓN do 21 de novembro de 2023 pola que se aproba e se fai pública a listaxe definitiva de persoas admitidas e excluídas ao proceso selectivo para o acceso á escala de xestión, subgrupo A2, pola quenda de promoción interna.

Mediante a Resolución reitoral do 11 de maio de 2023 (DOG do 31 de maio), convocáronse probas selectivas para cubrir cincuenta prazas na escala de xestión da USC, subgrupo A2, pola quenda de promoción interna.

Mediante a Resolución reitoral do 14 de setembro de 2023 (DOG do 26 de setembro), aprobouse a relación provisional de persoas aspirantes admitidas e excluídas nas mencionadas probas selectivas e fixouse un prazo para emendar os defectos que motivasen a exclusión ou omisión.

Rematado o dito prazo e consonte o establecido na base 4.4 da convocatoria,

RESOLVO:

Primeiro. Declarar aprobada e facer pública a listaxe definitiva de persoas admitidas e excluídas ás citadas probas.

Segundo. Indicar que a citada listaxe definitiva está exposta no taboleiro electrónico da USC e na web: <https://www.usc.gal/gl/institucional/goberno/area/xestionpersoal/PAS/oep/listado>

Terceiro. Convocar as persoas aspirantes admitidas para a realización do segundo exercicio da fase de oposición o sábado, 24 de febreiro de 2024, ás 11.00 horas, na aula 1.2 e na aula de informática da Facultade de Ciencias Políticas e Sociais, avenida do doutor Ángel Jorge Echeverri, s/n, Campus Sur, Santiago de Compostela. Non se realizará o primeiro exercicio dado que todas as persoas aspirantes acreditan coñecemento de galego.

A publicación dos sucesivos anuncios de realización dos demais exercicios efectuarase polo tribunal no taboleiro electrónico da universidade e na páxina web mencionada no punto segundo, así como en calquera outro lugar que considere oportuno.

CVE-DOG: ehmf7ny2-efl8-qvd7-myz4-yr7fwzkrqvo4



Contra a presente resolución, que esgota a vía administrativa, poderase interpoñer un recurso contencioso-administrativo ante o Xulgado do Contencioso-Administrativo de Santiago de Compostela, no prazo de dous meses contados desde o día seguinte ao da súa publicación, de conformidade co disposto na Lei 29/1998, do 13 de xullo, reguladora da xurisdición contencioso-administrativa.

Non obstante, as persoas interesadas poderán interpoñer un recurso potestativo de reposición no prazo dun mes perante o órgano que a ditou. Neste caso, non se poderá interpoñer o recurso contencioso-administrativo antedito mentres non recaia resolución expresa ou presunta do recurso administrativo de reposición, ao abeiro dos artigos 123 e seguintes da Lei 39/2015, do 1 de outubro, do procedemento administrativo común das administracións públicas.

Santiago de Compostela, 21 de novembro de 2023

Antonio López Díaz
Reitor da Universidade de Santiago de Compostela

CVE-DOG: ehnf7ny2-efl8-qvd7-myz4-yr7fwzkrqvo4

